

# Pecyn Swydd - recriwtio hydref 2022

## Rhaglen Mentora Cyfoed ar gyfer Camau Cynaliadwy Cymru\*

\* Camau Cynaliadwy Cymru yw enw Cronfa Gweithredu Gymunedol y Loteri Genedlaethol ar gyfer cymunedau sydd yn taclo newid hinsawdd. Dyma enw dros dro DTA Cymru ar gyfer y Rhaglen Mentora Cyfoed.

### Cyflwyniad

Mae Cymdeithas Ymddiriedolaethau Datblygu Cymru ([DTA Cymru](#)), gyda chefnogaeth Cronfa Gymunedol y Loteri Genedlaethol (CGLG) ac yn defnyddio cronfeydd Cyfrifon Segur Llywodraeth Cymru (LIC), yn cychwyn ar raglen fentora saith mlynedd sydd yn canolbwyntio ar weithredu hinsawdd a chynaliadwyedd, gyda'r bwriad o ddatgloi galluoedd cyfunol cymunedau ledled Cymru.

Mae hyn yn adeiladu ar brofiad [Adfywio Cymru](#) - o gadw cronfa o fentoriaid cyfoed hyderus a galluog (aelodau o'r gymuned sydd eisoes wedi gweithredu ac yn awyddus i rannu) yn ganolog iddo - gan hefyd ymgymryd ar ddull newydd o allgymorth ac ymgysylltu i gynorthwyo cymunedau Cymru i ymateb ar gyflymder ac ar raddfa sydd yn gymesur â'r heriau a ddaw yn sgil newid hinsawdd. Dyma'r degawd i weithredu.

Fel sydd yn arferol i ni, rydym yn chwilio am gymunedau annibynnol a mentrus, ac mae'r rhaglen yma yn ymwneud â helpu cymaint â phosib i gymryd y camau cyntaf a dechrau gweithredu'n ymarferol. Wrth dyfu cymuned o ymarferwyr ymarferol, gobeithiwn hefyd y daw symudiad am newid i'r amlwg yng Nghymru. Bydd y rhai sydd eisiau tyfu a gwneud mwy yn gallu derbyn cefnogaeth i wneud hynny.

### Y tîm rydym yn chwilio amdano

Os hoffech chi fod yn rhan o helpu creu Cymru gynaliadwy - o lawr gwlad i fyny - yna mae gan DTA Cymru amrywiaeth o swyddi parhaol:

- **(Cyd) Bennaeth Allgymorth ac Ymgysylltu (Hwyluswyr)** - 3 diwrnod yr wythnos ar £34,000 pro rata i arwain y rhaglen yma ac i adeiladu ac arwain y gwaith allgymorth ledled Cymru yn benodol. *Nodir - bydd hyn yn rhannu swydd gyda'r (Cyd) Bennaeth Allgymorth ac Ymgysylltu (Mentoriaid Cyfoed) presennol, Matt Swan.*
- **Hwyluswyr** - rydym yn chwilio am wyth unigolyn, pob un i weithio'n hyblyg dau ddiwrnod y mis fel tîm sydd yn cwmpasu Cymru ac yn ymgysylltu gyda'ch cymunedau. Yn agored i rai hunangyflogedig, rhai sydd yn gyswllt â sefydliadau eraill neu gellir ystyried TWE (PAYE) o fewn DTA Cymru. Er gwybodaeth, £250 yw'r raddfa ddyddiol i rai hunangyflogedig.

Cynllun Cyfrifon  
Camau Cynaliadwy Cymru

Dormant Accounts  
Sustainable Steps Wales

Ddarperir gan

CRONFA GYMUNEDOL  
LOTERI GENEDLAETHOL

Delivered by

THE NATIONAL LOTTERY  
COMMUNITY FUND

- **Pennaeth Cyfathrebu** - 3 diwrnod yr wythnos ar £28,000 pro rata. Tra'n gyfrifol am gyfathrebiadau'r rhaglen byddech yn ymuno â'n Uwch Dîm Rheoli ac yn dylanwadu ar strategaeth cyfathrebu ehangach DTA Cymru
- **Gweinyddwr(wyr)** - dwy swydd 3 diwrnod yr wythnos ar £21,000 pro rata. Rhyngoch byddech yn cefnogi'r Rhaglen Mentora Cyfoed a gwaith DTA Cymru ar ddatblygu mentrau cymdeithasol.
- **Mentoriaid Cyfoed** - ymarferwyr ar y rheng flaen sydd yn gallu, ac yn barod i rannu eu profiad gyda chymunedau eraill sydd wrth galon y rhaglen yma. Mae DTA Cymru eisoes yn gweithio gyda chronfa o fentoriaid cyfoed profiadol drwy'r Rhaglen Adfywio Cymru a Busnes Cymdeithasol Cymru. Byddem yn gweithio gyda nhw i'w hymgorffori i'r Rhaglen Mentora Cyfoed ar gyfer Camau Cynaliadwy Cymru hwyrach ymlaen yn 2022. Byddem yn eu cyflogi ar gyfradd dydd pan fydd angen eu sgiliau a'u profiadau. Os ydych chi'n teimlo y gallech chi gynnig rhywbeth ac yn awyddus i rannu eich profiad, yna cysylltwch a mynegwch eich diddordeb mewn ymuno â'r gronfa.

## Gwybodaeth am DTA Cymru - <https://dtawales.org.uk/cy/>

Mae Cymdeithas Ymddiriedolaethau Datblygu Cymru (DTA Cymru) yn fudiad aelodaeth annibynnol i ymarferwyr sydd yn hyrwyddo ac yn cefnogi'r rhwydwaith cynyddol o fentrau cymunedol yng Nghymru.

Tîm craidd bach ydym ni sydd â chyrhaeddiad ac effaith fawr wrth i ni weithio ochr yn ochr a thrwy ein haelodau, cronfa fawr gynyddol o fentoriaid cyfoed ac amrywiaeth o bartneriaid profiadol ledled Cymru. Daw hyblygrwydd gyda thîm craidd bach, ac ystwyther i wneud gwir wahaniaeth mewn degawd ble mae cymunedau yn cael eu herio i chwarae rhan sylweddol mewn adeiladu dyfodol cynaliadwy - yn economaidd, yn gymdeithasol ac yn amgylcheddol - o fewn byd o newid hinsawdd.

Mae'r rhaglen Mentora Cyfoed, cefnogir gan Camau Cynaliadwy Cymru, yn gyfle sylweddol i alluogi cannoedd o gymunedau i gymryd rhan a gwneud gwahaniaeth cadarnhaol i'w ardal leol, a pan fydd y rhain yn dod at ei gilydd fel cymuned ymarfer yna byddant yn cynorthwyo Cymru i gyflawni ei huchelgeisiau fel cenedl gynaliadwy.

Mae'r ochr Allgymorth ac Ymgysylltu DTA Cymru yn cael ei redeg ochr yn ochr â'n gwaith Datblygu Menter, sydd yn gweithio i gefnogi sefydlu a thyfu busnesau hyfyw seiliedig ar asedau sydd yn eiddo i'r gymuned. Fel rhan o dîm cyflawni Busnes Cymdeithasol Cymru, mae'n gweithio hefyd ar fwyd cynaliadwy, cefnogaeth newid hinsawdd i fusnesau, caffael a thai, ymysg nifer o weithgareddau eraill.

## Gwybodaeth am y rhaglen Mentora Cyfoed o fewn Camau Cynaliadwy Cymru

Mae Cronfa Gymunedol y Loteri Genedlaethol (CGLG) yn defnyddio arian Cyfrifon Segur i ariannu cyfres o fentrau Camau Cynaliadwy Cymru yng Nghymru.

Cynllun Cyfrifon  
**Camau Cynaliadwy Cymru**

Dormant Accounts  
**Sustainable Steps Wales**

Ddarperir gan  
**CRONFA GYMUNEDOL  
LOTERI GENEDLAETHOL**

Delivered by  
**THE NATIONAL LOTTERY  
COMMUNITY FUND**

1. Mae DTA Cymru yn cynnal y rhaglen Mentora Cyfoed
2. Yn rhedeg ochr yn ochr â hyn bydd rhaglen Grantiau Mentoreion Camau Cynaliadwy Cymru
3. Grantiau Gweithredu Hinsawdd mwy Camau Cynaliadwy Cymru sydd wedi agor ar gyfer ceisiadau yn ddiweddar
4. Rhaglen pobl ifanc Camau Cynaliadwy Cymru sydd yn cael ei ddatblygu

Bydd DTA Cymru yn lansio'r rhaglen Mentora Cyfoed yn fuan yn 2023 yn canolbwyntio ar weithredu hinsawdd a chynaliadwyedd, gyda'r bwriad o ddatgelu galluoedd cyfunol cymunedau yng Nghymru.

Bydd y gwasanaeth yn cynnig cefnogaeth a chyngor i grwpiau cymunedol, elusennau a mentrau cymdeithasol ar yr amrywiaeth ehangaf bosib o ffyrdd gellir gweithredu ar newid hinsawdd a chynaliadwyedd, gan gwmpasu'r ddau faes penodol ar gyfer gweithredu amgylcheddol a galluoedd mwy cyffredinol er mwyn cael yr effaith mwyaf posib.

Byddem yn blaenoriaethu cynulleidfaoedd o gymunedau ledled Cymru sydd ddim yn ymgysylltu â'r maes newid hinsawdd yn draddodiadol, ond gall effaith newid hinsawdd gael yr effaith fwyaf arnynt.

Bydd y rhaglen saith mlynedd yma, sydd heb dderbyn enw swyddogol ar gyfer y cyhoedd eto, yn adeiladu ar ddegawd o brofiad yn trosglwyddo'r rhaglen Adfywio Cymru ac yn adlewyrchu'r heriau cynyddol enbyd sydd yn ein hwynebu nawr ac yn y degawd sydd i ddod. Mae newid hinsawdd a byw'n gynaliadwy wedi dod yn fater i bawb, nid i'r ychydig sydd yn ymroddedig. Dim ond ychydig o flynyddoedd byr sydd gennym i animeiddio a galluogi symudiad cymunedol o fewn Cymru i weithredu'n uniongyrchol ar yr argyfwng hinsawdd.

Ariannir y rhaglen yma yn gyfan gwbl gan gynllun grant *Camau Cynaliadwy Cymru: Mentora Cronfa Gymunedol y Loteri Genedlaethol*.

(<https://www.tnlcommunityfund.org.uk/welsh/funding/programmes/sustainablestepswales-mentoring>)

Gall grwpiau sydd yn cymryd rhan yn y rhaglen yma wneud cais am grant hyd at £15 mil o'r cynllun hwn.

## Swydd Ddisgrifiad - (Cyd) Bennaeth Allgymorth ac Ymgysylltu (Hwyluswyr)

Teitl y swydd (Cyd) Bennaeth Allgymorth ac Ymgysylltu (Hwyluswyr)

Rheolir gan: Y Prif Weithredwr

Cyfradd tâl: £34,000 y flwyddyn (cyfateb i swydd amser llawn)

Dyddiau'r wythnos 3 diwrnod yr wythnos (0.6 cyfateb i amser llawn)

Cyfnod cyflogaeth Parhaol

Oriau gwaith 7 awr y dydd. Mae DTA Cymru yn gosod oriau swyddfa graidd rhwng 10yb a 4yp ond gellir cynnig hyblygrwydd wrth drafod gyda rheolwr llinell. Efallai bydd gofyn i weithio gyda'r nos ac ar benwythnosau weithiau er mwyn cyrraedd anghenion y swydd.

Lleoliad y swydd Mae yna swyddfa DTA Cymru yng Nghaerdydd. Cefnogir gweithio o gartref - neu gefnogaeth i weithio o 'ganolfan swyddfa leol i chi' - yng Nghymru.

Disgwyliadau teithio (lleoliad gwaith) Cedwir y disgwyliad i chi fod mewn swyddfa DTA Cymru ac yn rhan o dîm DTA ar gyfnodau rheolaidd a rhesymol

Disgwyliadau teithio (cyflawni'r swydd) Fel rhan o'r swydd yma disgwylir i chi deithio o amgylch Cymru (a manau eraill yn y DU ar gyfnodau).

Crynodeb o'r swydd I arwain ar ddatblygu a chyflwyno allgymorth ac ymgysylltiad cymunedol ar gyfer DTA Cymru. Yn benodol i alluogi hwyluswyr hyderus a chymwys i ymgysylltu a recriwtio cymunedau newydd sydd yn dymuno gweithredu'n ymarferol. I arwain ar y partneriaethau a'r rhaglenni sydd yn cyrraedd yr anghenion yma (y Rhaglen Mentora Cyfoed Camau Cynaliadwy Cymru yn

Cynllun Cyfrifon  
**Camau Cynaliadwy Cymru**

Dormant Accounts  
**Sustainable Steps Wales**

Ddarperir gan  
**CRONFA GYMUNEDOL  
LOTERI GENEDLAETHOL**

Delivered by  
**THE NATIONAL LOTTERY  
COMMUNITY FUND**

benodol ac yn unig).

**Rolau /  
Cyfrifoldebau** Arwain (ar y cyd) ar waith allgymorth ac ymgysylltu DTA Cymru trwy'r rhaglen Mentora Cyfoed.

Cyd-gynllunio a datblygu'r rhaglen sefydledig gyda chyfrifoldeb arweiniol i recriwtio cymunedau (allgymorth yn arwain at ymgysylltu).

Dirprwy brif gyswllt gyda chyllidwyr sydd â chyfrifoldeb am adrodd, a chadw dealltwriaeth o sefyllfa gyllidebol y rhaglen.

Ar y cyd - gyda'r Rheolwr Cyfathrebu - gyrru cyfathrebiadau strategol a chreu negeseuon yn ymwneud ag effaith a phwrpas y rhaglen, a'r gwersi dysgwyd; datblygu offer a thactegau cyfathrebu sydd yn cynyddu gallu'r rhaglen Mentora Cyfoed i gyrraedd cymunedau sydd ddim yn ymgysylltu â materion newid hinsawdd fel arfer.

Arwain ar ddatblygu'r tîm Hwyluswyr newydd. Meithrin hyder a gallu'r hwyluswyr unigol yn benodol, ond i adnabod a recriwtio nifer cynyddol o Sefydliadau Partner fel Hwyluswyr hefyd.

Sefydlu a hwyluso Fforwm y Rhaglen, corff llywio a goruchwylio'r rhaglen Mentora Camau Cynaliadwy.

Goruchwylio a llywio ar y cyd - mewn partneriaeth â'r partner Rhwydwaith Cyd-gynhyrchu Cymru - dyluniad a gweithrediad y pecyn cymorth monitro a gwerthuso.

Cyfrannu'n weithredol - mewn partneriaeth â'r partner Rhwydwaith Cyd-gynhyrchu Cymru - i esblygiad cymuned o ymarfer ymysg grwpiau sydd yn cyfranogi.

Arwain ar adnabod a datblygu cyfleoedd allgymorth ac ymgysylltu pellach ledled Cymru sydd yn hyrwyddo uchelgeisiau'r rhaglen mentora Camau Cynaliadwy Cymru a / neu DTA Cymru.

Cymryd rhan yn Uwch Dîm Rheoli DTA Cymru a strwythurau sefydliadol eraill, i hyrwyddo i'r eithaf y synergeddau â ffrydiau gwaith eraill a'r defnydd o alluoedd a rennir.

**Manyleb y person** Bydd gan yr ymgeisydd llwyddiannus hanes profedig o adeiladu tîm a rheoli perthynas a thystiolaeth dylanwadu newid. Nid oes rhaid i chi fod yn arbenigwr mewn cynaliadwyedd - mewn gwirionedd bydd safbwynt ffres gan rywun y tu allan i'r sector yr un mor ddiddorol i ni - ond byddech yn arddangos diddordeb mewn galluogi datrysiadau ar lawr gwlad.

**Hanfodol** Siarad Cymraeg neu yn dangos parodrwydd i ddysgu'r iaith.

Hanes llwyddiannus o adeiladu tîm (recriwtio, datblygu ac ysgogi).

Sgiliau cyfathrebu gwych ac amlwg yn canolbwyntio ar ymgysylltu gyda chymunedau

Tystiolaeth o ddatblygu partneriaeth ac eiriolaeth.

Hunan ysgogol a threfnus, gyda sgiliau cadw cofnodion gwych.

Hyblygrwydd i weithio yn y cyfnodau a'r llefydd sydd yn gweddu ein rhwydwaith o hwyluswyr / partneriaid orau.

**Dymunol** Gwybodaeth neu ddealltwriaeth o sector cymunedol y tu allan i gynaliadwyedd e.e. cymunedau henoed, mewnfudwyr, pobl ifanc, LHDTQ ayb.

Profiad a / neu wybodaeth am un neu fwy o faterion newid hinsawdd.

Profiad o gynllunio a chyflwyno cyfathrebiadau - o gynllunio cyfathrebiadau i gyrraedd cynulleidfaoedd newydd.

Profiad o alluogi newid ymddygiad.

## DYDDIADAU PWYSIG

Dyddiad cau ceisiadau	Dydd Llun 26ain Medi - 4yp
Diwrnod cyfweiliad / dewis	Dydd Mawrth 11eg Hydref (mewn person, lleoliad i'w gadarnhau)
Dyddiad cychwyn disgwyliedig	Cyn gynted â phosib
Lansiad swyddogol y rhaglen	Dydd Mawrth 3ydd Ionawr 2023

## Sut i wneud cais.

Cwblhewch y [ffurflen gais](#) a'i ddychwelyd i [info@dtawales.org.uk](mailto:info@dtawales.org.uk) os gwelwch yn dda, gyda theitl y swydd yn y llinell pwnc.

Cwblhewch y Ffurflen Monitro Cyfleoedd Cyfartal hefyd os gwelwch yn dda:  
<https://forms.gle/Ci9TYWotyaP15hRN7>

Mae'r ffurflen Monitro Cyfleoedd Cyfartal yn ddiennw a ni fydd yn cael ei gynnwys fel rhan o'r broses llunio rhestr fer. Dim ond ar gyfer monitro recriwtio a darparu data ystadegol defnyddir y wybodaeth yma.

---

**Development Trusts Association Wales**, 17 West Bute Street, Cardiff CF10 5EP

**Cymdeithas Ymddiriedolaethau Datblygu Cymru**, 17 Stryd Gorllewin Bute, Caerdydd CF10 5EP Tel/Ffôn

**029 2019 0260** Email/E-bost [info@dtawales.org.uk](mailto:info@dtawales.org.uk) Website/Gwefan [www.dtawales.org.uk](http://www.dtawales.org.uk)

Company registration no./Rhif cofrestru'r cwmni **04966246**

---

Cynllun Cyfrifon  
**Camau Cynaliadwy Cymru**

Dormant Accounts  
**Sustainable Steps Wales**

Ddarperir gan  
**CRONFA GYMUNEDOL  
LOTERI GENEDLAETHOL**

Delivered by  
**THE NATIONAL LOTTERY  
COMMUNITY FUND**